

lla Zakurra egia zaletzat, ta Ardiak paga ditzala egin diran kostu guziak.»

Ez zedukan Ardi gaisoak zuriko errebat ere. Beldurrez ebakieraso zuen bere illea neguaren erraia bazan ere; partilduzan artillea, Agintari, Zakur, Otso, Arrano ta Miruaren artean, negu gogor bat otzez igaro bear zuela Ardiak.

Ipui onek esan naidu, gizon gaizto, askotako ta indartsuak birlatzen dituztela beren gisako lagunak, ta egin kalte asko, argal, oben-gabeko ta itz egiñaz gaizkiago irtengo duteenetan: larga oi dituztela larru utsean ta gorrian, berak ederki jantzitzeko. Obe dala auzirik artu gabe lenengotik eskatzen diotena ematea, geroenean kostu guziekin ematea baño.

Ardiak eraman balu aurrera auzia beste Agintari Naguziako baten gana, ez ziran bere ille guziekin paketuko bere etsaiak. Aragi zaleak izanik, eramango zuten mamia bera, ille ta guzi.

Ikasi bear da Ipui onekin ebakitzen auziak mugonez, berandua-gora larga gabe. Obe da bear orduan esku atz bat ebaki, gero esku-tur guzia baño.

Auzi zalea, eche ondatzallea.

VICENTA DE MOGUEL.

I.^{ko} MUTADI EDO ISITZA.



Askantzak urrengo lumero edo liburuchoan.

SECCION AMENA.

OSABA PILLOTAN.

Plazan entero itsusi
degu osaba ikusi,
zartuta, blekan
mutill guztien
kontra jokatzten da asi,
eta ez du irabasi.

Zartu da ta edadia,
joan zayo lengo aidia,
berak ez du nai
aitu, zayonik
galdu ebillidadia,
jau da debillidadia!

Aisa asko diyo garbitu,
Bekirik ez du argitu,
ogeita laura
amaika tanto
bakarrak atera ditu,
lotsagarri da arkitu.

Bote mocha bazan artzen
gisarajua zan lertzen,
luzia egin
ezkoroz berriz,
kolkora zitzayon sartzen
ongi etz zalako jartzen.

Nekaturikan guziya
zutik ezin zeguen iya,
partidu orrek
laburtu diyo
amar urteko biziya,
damutu zayo asiya.

Lorikan ezin egindu,
Ezur guztiyetan mindu,
eztula eta
katarro zarra
ditu beregana bildu,
gorputz, zar gaisoa ildu.

RAMON ARTOLA-k *ipiniak* Donostiyan 1869.^{garren} urtean.



I.ko MUTADI EDO ISITZAREN ASKANTZA:

Bayonako Choribi apaizari eskumunak.*

(*) Izen onetako apez nagusi edo kanonigo jaun bat da Bayonan.